

Februar 2021

# Samhandlingsnytt

Kjære leser

Det er ei glede å informere om at samhandlingsnytt er tilbake med månadlege utgåver. Koronapandemien har synt oss betydninga av samarbeid og samhandling både i og utanfor helsetenesta. Covid-19-pandiemien har vore ei stor belastning på helsetenestene, men har også gitt ei rekordrask utvikling i digitalisering. Vi har verkeleg fått merke viktigheita av samarbeid på tvers av nivå og av velfungerande forløp, enten når det gjeld smittesporing eller i den akuttmedisinske kjeda.

## Taktisk samhandlingsgruppe

Taktisk samhandlingsgruppe vart oppretta etter oppmading frå Koordineringsrådet og som oppfølging av [felles prosedyre](#) for Helse Førde og kommunane i samband med Covid-19 pandemien. Den taktiske samhandlingsgruppa bistår med medisinske vurderingar og tilrådingar, og kan ta ei rolle i å koordinere tiltaka i primær og spesialisthelsetenesta. Gruppa er samansett av Jan Helge Dale, Thomas Vingen Vedeld, Øystein Furnes, Leiv Erik Husabø, Frode Myklebust og Elin Sørbotten (frå kommunane), og Kari Furevik, Terje Olav Øen, Torgeir Finjord, Margun Thue/Marte Ulltang, Laila Haugland, Robert Brennersted, Evy-Helen Helleseth, Bent Are Hansen og Normund Svoen (frå Helse Førde).

Taktisk samhandlingsgruppe held fram med faste møter kvar veke gjennom våren. Aktuelle saker er informasjonsutveksling om status i kvar region; smitteforhold, smittevern, vaksinasjonsarbeid og samhandling mellom kommunane og Helse Førde.

## Helsefellesskap

Helse Førde og kommunane skal i samsvar med føringane i [Nasjonal Helse og Sjukehusplan \(NHSP\)](#) utvikle eit meir forpliktande samarbeid gjennom helsefellesskap. I denne samanheng er det satt ned ei arbeidsgruppe som skal vidareutvikle gjeldande samhandlingsstruktur i tråd med føringane i NHSP. Arbeidsgruppa er sett saman av medlem frå



## Kontakt

### Nettstad

<https://helse-forde.no/samhandling-i-sogn-og-fjordane>

[www.samhandling-sfj.no](http://www.samhandling-sfj.no)

### Kontaktperson

[Margun Thue](#),

Samhandlingssjef Helse Førde

[Marte Ulltang](#),

Samhandlingssjef Helse Førde

## Ny samhandlingssjef i Helse Førde

Marte Ulltang er engasjert som ny samhandlingssjef i Helse Førde. Engasjementet skal vere eit halvt år. Helse Førde skal bruke dette halvåret til å avklare korleis ordninga med samhandlingssjef skal vere i framtida.

Samhandlingssjefen er Helse Førde sitt fremste kontaktpunkt med kommunehelsetenesta.

[Du kan legge til en beskrivelse og viktig informasjon om aktivitetene her.]

fagrådet, i tillegg til fastlege og brukarrepresentant. Skisse for ny helsefellesskapsmodell er mykje lik den allereie etablerte samhandlingsstrukturen.

Saka og rapporten vart handsama i fagrådet 04.02.21, i tillegg har rapporten vore ute på to høyringsrundar til medlem av fagrådet. Innspel og justeringar etter handsaminga og høyringane er innarbeidd i ein rapport som vart lagt fram for koordineringsrådet 19.02.21. Saka og rapporten skal vidare handsamast og forankrast i dialogmøtet våren 2021. Møtedato for dialogmøtet er ikkje satt grunna usikkerheit knytt til den pågåande pandemi-situasjon. Ynskjer du å lese meir om Helsefellesskap kan du klikke deg inn [her](#).

### Etablering av spesialisert rehabiliteringstilbod og korttidstilbod i Sunnfjord kommune

Sunnfjord kommune vedtok ved oppstart av ny kommune at tilboda innan rehabilitering og korttidseininga skal spesialisera. Ei prosjekt- og arbeidsgruppe i Sunnfjord kommune har siste året jobba med å etablere desse spesialiserte tilboda og dei er no klare for oppstart av avdelingane i februar 2021. Den nye korttidseininga er lokalisert på Førde omsorgssenter med 14 plassar +1 palliativt rom. Rehabiliteringseininga er lokalisert på Skei omsorgssenter med 7 plassar + 1 palliativt rom. Det er utarbeidd metodebok for tilboda med kriteria for inntak.

Med bakgrunn i dette inviterte Sunnfjord kommune til eit møte med Helse Førde for å presentere det nye tilboden og få tilbakemelding og innspel/avklaringar. For Sunnfjord kommune var det viktig å få snakke med Helse Førde for å få til eit godt samarbeid og samhandling om tilboden og ei best mogeleg utnytting av ressursane dei har stilt disponible til føremålet, til det beste for brukarane. Ynskjer du å lese meir om dei nye tilboda i Sunnfjord kommune, metodeboka og det som kom fram i møte, kan du klikke deg inn [her](#).

### Ny rapporteringsløsing i Power BI for Samhandlingsbarometeret

[Samhandlingsbarometeret](#) har no starta opp med utviklinga av ei ny publiseringssløsing i Microsoft sitt presentasjonsprogram PowerBI. Denne løysinga er meir tidsriktig og enkel med omsyn til oppdatering og framstilling av data. Firmaet Bouvet si avdeling i Bergen bistår oss i dette arbeidet etter at dei hadde det beste anbodet i ei utlysing. Helse Vest IKT er involvert både i utvikling og teknisk tilrettelegging.

Det endelige «ansiktet» av Samhandlingsbarometeret ut mot brukargruppene vil bli justert i samarbeid med representantar frå brukargrupper i Helse Vest RHF og Helse Nord RHF, som nyttar



### Månadens nyhende

#### Nytt E-læringskurs i samhandlingsavvik

Det er utarbeidd eit nytt E-læringskurs som omhandler korleis vi i Sogn og Fjordane arbeider med samhandlingsavvik. Kurset inneholder også informasjon om korleis vi systematisk kan arbeide med uønskt hendingar for å kunne lære av dei.

Målgruppe for kurset er alle leiarar og tilsette i kommunane og i Helse Førde som er involvert i samhandlinga.

E-læringskurset er utvikla av Irene Barmen Hoe, Seksjon Kvalitet og pasienttryggleik, Helse Førde)

[Klikk her for å kome til E-læringskurset](#)

Samhandlingsbarometeret for alle sine helseføretak og opptakskommunar. Ei stor endring vil vere at Samhandlingsbarometeret i størst mogeleg grad vil innehalde data for heile Noreg knytt opp mot opptaksområda for alle helseføretaka i landet, i tillegg til bydelar i dei store byane. Samhandlingsbarometeret har såleis eit potensiale til å bli eit landsdekkande verktøy for helsedata til bruk for helsefellesskapa og i samhandlingsarbeidet generelt mellom spesialist- og kommunehelsetenesta.

## Læringsnettverk Gode pasientforløp

KS gjennomfører regionale læringsnettverk for Gode pasientforløp i samarbeid med Folkehelseinstituttet (FHI) på oppdrag for Helse- og omsorgsdepartementet. Målet er å sikre brukaranes behov for å møte heilheimlege, koordinerte og trygge tenester. Arbeidet i Gode pasientforløp er retta inn mot brukarar med samansette behov for helse- og omsorgstenester. Satsinga vektlegg å flytte merksemda frå å spørje «kva er i vegen med deg?» til «kva er viktig for deg?» og utvikle pasientforløp og systematisk tverrfagleg oppfølging.

Læringsnettverket startar med oppgåver og førebuing tre månader før første samling, 3. og 4. mars 2021, for så å strekke seg over ein periode på 18 månadar. Deltakarane vil totalt delta på fire samlingar over 2 dagar, organisert som nettbasert eller fysisk samling. Kommunar og sjukehus vil få oppfølging før, under og etter oppstart.

Det er meldt på 17 forbetingsteam til Læringsnettverket Gode Pasientforløp Sogn og Fjordane, derav 4 team frå Helse Førde og 13 team frå ulike kommunar i opptaksområdet til Helse Førde.



## Siste nytt frå

### Koordineringsrådet

Første møte i 2021 vart halde 19.02.21. Saker som vart lagt fram i møtet inkluderte gjennomgang av rapport frå arbeidsgruppa i

Helsefellesskap, oversikt over fordeling av samhandlingsavvik mellom Helse Førde og kommunane i 2020, orientering frå fagnettverket habilitering/rehabilitering, årsmelding frå felles brukarutval, orientering om utviklingsplanen frå helse førde og utvikling i psykisk helsevern under Covid-19 pandemien. Referat og presentasjonar frå koordineringsrådet finn du [her](#).



//Foto: AlexMax, iStockphoto

## Faste saker

### Digital samhandling

Helseinnovasjonskonferansen gikk digitalt frå Førde 28 januar. Dette var første gang konferansen vart arrangert heildigitalt. Konferanseplattforma gjorde det mogeleg å legge eit vidare grunnlag for samhandling og nyskaping mellom innovative bedrifter og Helse Førde. Nokre av tema på årets konferanse var innovasjonssamarbeid mellom helsesektor og næringsliv, kunnskapsdeling som innovasjonsverktøy, brukardriven innovasjon og inkluderande innovasjon.

### Viktige datoar

15. april  
Møte i fagrådet

28. april  
Møte i koordineringsrådet

## Felles Brukarutval

Felles brukarutval (FBU) i Sogn og Fjordane er eit rådgjevande organ for kommunane og Helse Førde. Utvalet skal sjå til at brukarmedverknaden vert ivareteken i partssamarbeidet. Ved årsskiftet var det oppstart av ny to-årsperiode for utvalet. Ny leiar er Eiliv Berdal med Lene Grønsberg som ny nestleiar.

Øvrig samansetting av utvalet, retningslinjer, årshjul etc. finn ein elles på [samhandlingssidene](#).

## Praksiskonsulentane

*FBU ved oppstartsmøtet i januar 2019*

Praksiskonsulentordninga (PKO) er eit nasjonalt nettverk av allmennpraktiserande legar som skal medverke til å styrke samhandlinga mellom avdelingane på sjukehuset, dei allmennpraktiserande legane og den kommunale pleie og omsorgstenesta.

Praksiskonsulentane har hatt ei aktiv tid til tross for Covid-pandemien. Mykje av arbeidet har handla om samhandling mellom helseføretaket og fastlegane, men etter kvart har også andre viktige saker komme på dagsorden. Blant anna er praksiskonsulentane i gang med samhandlingsmøter med dei enkelte avdelingane i Helse Førde. I oktober 2020 overtok Anita Sørheim som PKO for Anne Stubdal som gikk av med pensjon. Anita har hovudansvaret sitt i Nordfjord-regionen.

Sjå elles [nettsidene](#) til PKO der det meste PKO stoff blir lagt ut.

